

PROME MINISTER A CUESTIONA EROR HURIDICO DI MINISTER URSELL ARENDS


URSELL TA PROME MANDATARIO CU A CUMINSA CASO CONTRA SU MES



DEN CORTE A SALI NA CLA CU
TIRONAN A BORA
CURASON Y
PULMON DI VICTIMA

PA FALTA DI CREDIBILIDAD DI GOBIERNO
DELEGACION NACIONAL
TIN CU SALI Y
BAY ATENDE SITUACION
CU HULANDA

LIDER DI FRACCION DI AVP,
MR. MIKE EMAN:
PRESIDENTE DI STATEN
'NA 2025 LO SCUCHA
SINDICATONAN Y OPPA'



Market Leader of Business Software in the Caribbean

= exact

Solutions for:

- Finance
- Wholesale Distribution
- Professional Services
- HRM, CRM and BPM

*Supports All Your
Business Activities & Processes!*

VCC
International NV

Tel. 583-7072 | info@vcc-int.com | www.vcc-int.com

Den Corte a sali na cla cu

Tironan a bora curason y pulmon di victima

Seccion hubenil di KIA ta sigui haya mas preso hoben. Diabierna Corte a trata caso penal contra dos mucha homber relativamente hoben y kendenan tabata involvi den delitonan hopi pisa, uzando diferente tipo di arma. Ta papia aki di Aaron Rodriguez y Kion Sena, kendenan a uza arma di candela y machete riba nan victima Anthony Carti.

E caso di asesinato aki a tuma luga na december aña pasa, den e area turistico. Momento cu caya tabata druk, no solamente cu localnan pero e bishitantenan cu tabata disfruta di e bida nocturno di Aruba.

Aaron tabata den compania di Kion Sena, kende tabata cana cu un machete e anochi ey pa miedo di wordo ataca pa e gang di Dakota, cu kendenan e tabatin problema y a keda cu un brasa lesiona.

E tratamento di e caso aki a dura basta largo pa motibo cu a pasa diferente video, di diferente angulo pa mira con e hecho a tuma luga y si ta berdad por mira riba e video cu Aaron a haya e arma den bisindario di unda e hecho a tuma luga luga. Aunke el a señala e punto, cu ta keda net di un palo di luz, e no tabata visibel riba e video.

Tur e problema ta draai cu, segun Rodriguez, Anthony Carti alias Juni Maton, a kere cu e tabata forma parti di e gang di Bushiri cu kende e grupo di Carti tabatin problema. Esaki pasobra nan tabata practicamente canando hunto.

Riba e video por mira con Juni a dale un mokete y el a bira saca e arma di candela y a los dos tiro. E prome caba a alcanza e victima den su pecho (curason) y tabata e tiro fatal. Y despues el a core bay pa huy den e auto. Pero prome cu esey, a los un di dos tiro, manera pa sigura su morto, y esaki a alcanza e homber den su pulmon.

E amigo cu tabata cu ne tambe tabata arma cu un machete, cu el a coy den e auto, segun e ta bisa un rato prome, y a cap e homber cu a dal su amigo Aaron. Pero e momento cu el a haci esaki, no tabata necesario pa defende su amigo mas pasobra e victima tabata na suela tira, agonizando. Asina mes el uza e machete direccion cabes y brasa di Juni. Empeorando asina su situacion. Juni a haya dos cap formal na su cabes. No por a haci nada mas p'e.

Fiscal pa e motibo aki a pidi pa declara Aaron culpabel di mata un hende y su amigo di complice den e matamento y intento di mata tambe. Aaron, fiscal a bisa, no tin motibo pa



husge bou leynan hubenil y mirando cu e tabata arma tambe den un luga publico, a pidi 16 aña. Kion kende tin 17 aña y cu tin algun problema, psycholoog a conseha pa husga bou leynan hubenil. P'esey den su caso a pidi lo maximo cu ta permitisibel bou di ley hubenil cu ta 4 aña.

Fiscal a menciona con e famia di e victima a pasa den un situacion horibel, no solamente cu e homber a wordo mata, pero cu un filmacion di dje den su ultimo minuutnan di bida a bay riba rednan social. Banda di esaki, tata di e acusado cu a los e tiro, a pone un post riba Facebook manera cu su yiu tabata un heroe y a catalogue como un solda. E acusado mes a bisa sinembargo e no tin mucho contacto y no conoce su tata bon.

Na final e dos acusadonan a bisa cu loke a pasa no tabata nan intencion ora cu nan a subi caya pa keiro e anochi ey. Dia 14 di juli tin sentencia den ambos caso.

Pa falta di credibilidad di gobierno

Delegacion nacional tin cu sali y bay atende situacion cu Hulanda

U nico salida na e momentonan aki pa Aruba, a formacion di un delegacion di partidonan di oposicion y gremionan sindical, comercial y otro instancianan social y religioso, pa bay atende cu e situacion cu gabinete Wever Croes I y II a hinca e pais aki aden.

Ta bisto cu gobierno di coalicion di MEP cu RAIZ, no ta gosa di confiansa ni di gobierno di Hulanda, tampoco di e comision di supervision, cu ta CAft y ta bon cla cu e gobierno aki no por negocia nada mas pa alivia e situacion doloroso cu pueblo di Aruba ta bibando na e momentonan aki.

C'un Parlamento domina pa solamente 11 parlamentario cu ta no solamente sostiene pero tambe ta wordo domina pa gobierno, tin un situacion caminda gabinete Wever Croes II ta parece un gobierno di "dictadura" caminda ta den Cocolishi tur cos ta wordo dicidi, sin importa e derecho di pueblo pa por bisa tranquilamente sin pasa den di un pobreza nunca bista na e momentonan aki.

Ora cu analisa e mocion entrega pa Kamminga den Tweede Kamer siman pasa, a keda comproba cu no solamente gobierno Hulandes pero tambe Tweede Kamer no ta confia gabinete Wever Croes II, principalmente Prome Minister Evelyn Wever Croes.

*E situacion ta serio caminda ni gobierno y tampoco e 11 parlamentari-
onan cu ta sostiene e gobierno aki, no ta
scuchando gritonan di desesperacion di un
pueblo cu ta bibando den un situacion
sumamente delicado y den hopi caso,
situacionnan hopi penoso.*

Na momento cu Presidente di Parlamento, supuestamente e cas di representantenan di pueblo ta bin dilanti y confirma den declaracion na prensa, cu e ley di 7% BBO na frontera lo pasa e siman aki, sino na luna di Juli of Augustus, sin tuma na consideracion tur informacion cu gremionan comercial a presenta diahuebs ultimo, ta muestra cu pueblo ta para su so contra di un gobierno cu no ta traha pa su bienestar.

*NO TIN LUGA MAS pa duna gobierno mas
placa na medida, bou di e capa di reforma
fiscal, y tur caminda ta mustrand cu por
lo pronto pueblo no tin ni un gobierno y
tampoco 11 parlamentario pa defende su
interes, loke ta pone cu tin cu busca un otro
firma pa pueblo wordo scucha.*

Mester forma un delegacion di fraccionnan di oposicion, cu pa colmo tin mas voto cu e dos fraccionnan cu ta sostiene gobierno, hunto cu gremionan riba e isla, pa asina bay sinta na Hulanda y muestra cu e caminda cu Prome Minister Evelyn Wever Croes hunto cu su gobierno a tuma pa pueblo di Aruba, no ta e caminda corecto y cu cosnan no por sigui manera e ta bayendo.

Gabinete Wever Croes II a mara su mes na acuerdonan sin cu esaki nan ta gosa di aprobacion di parlamento of di gremionan y mester tin un delegacion cu por lanta bay Den Haag, sigur un delegacion cu ta domina Hulandes y reuni cu representantenan di Hulanda, presentando un miho plan, pa atende cu asuntonan cu a di vital interes pa henter e pais.

Mester muestra gobierno Hulandes tambe cu cosnan no por cana na Oranjestad mescos cu nan ta cana na Den Haag y cu e situacion cu gabinete Wever Croes II a hinca e pais aki aden, ta mescos cu "horta" autonomia di parlamento di pais Aruba.

Ta di spera cu gremionan hunto cu participacion di partidonan di oposicion, cuminsa reuni y formalisa un plan di rescate nobo pa atende cu interes di e pais aki, caminda for di principio, interes y bienestar di ciudadanonan di e pais aki, ta bin na prome luga!



Mirrors Beauty Academy ta ofrece e siguiente servicionan

Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

ANALISIS

Pruebanan di Ministerio Publico ta mustra ehecucion di Anthony Carty

Tratamento di e caso di asesinato diabierna ultimo den Corte di Prome Instancia, tabata un bista cla pa henter comunidad, riba un mentalidad di algun grupo di hoben cu simplemente no a respeta bida di otro.

Ministerio Publico, manera cu abogado Vito Carlo a mustra despues di tratamento di e caso, no a laga espacio pa hinca ni un feneta, ya cu no solamente tabatin declaracion di testigonan y di e propio acusadonan, tin grabacionnan na e sitio cu tabata pruebanan contundente di loke a tuma luga y con a asesina e homber Carty.

Supuestamente segun acusadonan ta papia di un confrontacion entre dos gang di cual nan no ta forma parti di dje pero na final di e anochi, nan a bira e figuranan principal den henter e caso di asesinato aki.

Declaracion di e propio acusadonan tambe a hinca nan den mas problema cu loke nan ta kere, ya cu entre otro e asunto di a haya un arma di candela benta den un hanchi den bisindario, simplemente no ta un argumento valido, ya cu ningun hende cu haya un arma di candela abou y carga esaki den su poder, ta bira responsabel automaticamente pa e arma aki. Un arma tira abou pa su cuenta, no ta duna garantia cu por tira cune pero aparentemente e acusadonan

tabata confia cu loke nan a haya tira riba caminda, ta un arma cu ta traha y traha bon.

Ta bin acerca cu e hecho cu nan a carga henter anochi un machete cu nan, supuestamente pa defende nan mes, ta otro argumento sin base y cu nan no por hustifica.

Al contrario e acusado cu tabata tin e machete den su poder, por bisa cu practicamente el a bay pa ehecuta loke nan bin pa haci cu victima Carty ya cu loke el a haci cu e victima, ningun momento ta un accion cu ta cana riba caya publico cu machete pa “defende” su mes.

Grabacionnan ta mustra cu mientras cu e victima Carty tabata na suela sangrando profusamente pa herida di bala den su curason, e acusado cu ta cana arma pa defende su mes ta acerca e victima kende tabata muriendo na e momentonan ey y ta dal e victima cu machete riba su cabes ocasionando un kap profundo y despues ta bolbe macheta e victima na su brasa, mustrando un rabia sin igual di e acusado aki.

Argumentonan cu ta mustra riba excuus sin merito, no ta cambia e situacion ya cu si ta hobennan cu ta pensa corecto, cu ta bisa di ta inocente, lo a hiba e arma di candela mesora pa polis, entrega esaki pa nan mes no haya mes den situacionnan serio caminda nan lo a uza e arma aki, loke ariba e caso despues tambe.

Cana cu machete riba caya pa defende bo mes, no ta hustifica bou di ningun circunstancia inocencia di un hende ya cu pa cana rond c’un machete sconde den carson of otro caminda, no ta cuadra cu mentalidad normal di un hende respetuoso y responsabel.

Ta sospechosonan cu no a ria ningun momento di ehecuta e victima, di kita su bisa for di dje ya cu nan por a bringa cu’ne, sin uza arma y sin a dicidi di tira c’un arma di candela riba e persona pa despues dal dos machetaso pa loke ta mustra, sigura cu e lo perde su bida.

Un aspecto cu tanto autoridadnan hudicial como otro instancianan tin cu cuminsa mira cambianan di ley pa atende cu e fenomeno di “muchanan” menor di edad riba caya, tin cu ser atendi, ya cu algun siman prome un caso di asesinato riba cero na Savaneta, tabatin menornan di edad involvi, sea como chauffeur of como pasahero y den e caso di asesinato di e homber Carty, atrobe un hobencita di 15 aña meti den e grupo.

Un cambio di ley pa haci mayornan mas responsabel pa comportacion di yiunan menor di edad, sin duda ta necesario y na su luga!



Minister di Turismo y Salubridad Publico ta anuncia cu entrante **27 di juni 2023** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un koffiehuis- y un restaurantvergunning A pa e parcela **J.G. Emanstraat 72-A**. E permisonan aki ta concerni e.o. benta di bebida sterki por detal y cuminda pa consumo den e parcela. Durante dicho periodo aki tur hende por expresa por escrito nan obhecion contra dunamento di e permisonan menciona, dirigi na e Minister di Turismo y Salubridad Publico, via intermediacion di Director di Departamento di Legislacion y Asunto Huridico, Schotlandstraat 53.



Paga SKOA Schoolgeld

Aruba Bank Online - Den e Address Book, busca SKOA Schoolgeld
 Aruba Bank APP - Den e Address Book, busca SKOA Schoolgeld
 Aruba Bank Customer Service Kiosk - Disponibel na e 'Self Service' area di Camacuri, Hato of San Nicolas Branch

Online y participa pa Gana AWG 500.-

TUR mayor cu paga SKOA Schoolgeld online prome cu 31 di juli 2023 ta participa pa gana AWG 500.-

www.arubabank.com Find us on:      

Arubabank

Lider di Fraccion di AVP, mr. Mike Eman:

Presidente di Staten 'na 2025 lo scucha sindicatonan y OPPA'

Henter Aruba lo mester a keda asombra cu e contesta cu Presidente di Parlamento a duna e lider di oposicion, mr. Mike Eman, na momento cu esaki a lanta para, dirigi su mes na e Presidente y puntra 'ki dia ta scucha e gremionan sindical y OPPA tambe manera cu fraccion di AVP a solicita'.

Tabata na final di e encuentro cu gremionan comercial cu e Lider di Oposicion, mr. Mike Eman, a insisti riba un encuentro cu gremionan sindical y OPPA pa scucha di nan banda tambe kico ta nan opinion riba e 7% BBO na frontera. Riba esaki e Presidente di Parlamento, mr. Edgar Vrolijk, a laga Eman sa cu "na aña 2025 lo e yama e reunion ey".

Despues di hopi insistencia por fin a yega na scucha gremionan comercial cu tabata hopi cla y unanime den nan opinion: e ley di BBO di 7% riba tur locual tin awor caba na peso riba pueblo y comercio lo trece Aruba na e "BREAKING POINT".

Inicialmente no tabata conoci kico berdaderamente e impacto di e 7% BBO na frontera lo bay ta. Den e confusion aki gobierno a keda pusha e ley aki como un cambio cu menor consecuencia pasobra supuestamente esnan cu paga e 7% lo hay'e bek. Awor tin un realisacion mas grandi cu e presentacion aki ta uno erroneo y cu e consecuencia ta bay ta devastador pa e consumidor, e empresario, turismo di Aruba, su prijs y su calidad y finalmente pa henter e desaroyo socio economico di Aruba. P'esey fraccion di AVP a hay'e urgente pa scucha e gremionan y pa e motibo ey a haci un solicitud pa trece gremionan den Parlamento den un "hearing" publico pa pueblo tambe por scucha, asina e lider di oposicion, mr. Mike Eman a accentua despues cu ya e tin lunas ta adverti pa consecuencianan di e 7% BBO na frontera.

E consejo di RAAD VAN ADVIES ariba e introduccion di 7% BBO na frontera tambe ta cla y directo: efectonan lo ta devastador



pa poder di compra, inflacion, clima di inversion, turismo y nos economia en general. Raad van Advies ta hasta cita Banco Central cu ta pronostica un caida real den nos economia pa aña 2023. E cifranan aki e lider di oposicion a muestra gremionan riba dje cu nan a subraya cu berdad esakinan ta indicacion cu nos ta na e "BREAKING POINT".

Fraccion di AVP a solicita cu urgencia un Openbare Bijeenkomst cu FTA, SEPPA, STT, ABV, SIWA, OPPA, SADA, CAMARA DI COMERCIO, Comerciantenan Unie, SNBA, ATTIA, AHATA, ATA, RESTAURANT ASSOCIATION, TIMESHARE ASSOCIATION, Aruba's Jewelers Association y demas gremionan sindical, comercial, prome cu entrega pregunta.

Pa e lider di oposicion mr. Mike Eman ta incomprendibel cu despues di scucha gremionan comercial mes bisa cu e medida di 7% lo ta devastador pa e consumidor, esta gran parti di e pueblo trahador y nos pensionadonan, cu e Presidente di Parlamento, mr. Edgar Vrolijk, ta tuma e postura y laga Eman sa cu ta te na 2025 lo scucha sindicatonan y OPPA.

Den e diano aki lo mira si Presidente di Parlamento lo keda riba e postura aki. E lider di oposicion, mr. Mike Eman, a accentua cu lo insisti pa scucha e gremionan sindical y OPPA, manera cu Fraccion di AVP solicita, pero cu di nan parti tambe mester laga e Presidente sa cu e ponencia "cu ta na 2025" lo scucha nan NO ta aceptabel.

2.000 kilo di droga confisca den dos dia

E barco di Marina Zr.Ms. Groningen y Wardacosta Caribe Hulandes diahuebs y diabierna marduga a intercepta dos transporte di droga y a confisca casi 2.000 kilo di droga. E barco di Marina Zr.Ms. Groningen, nabegando pa Wardacosta Caribe Hulandes, durante marduga di diahuebs a intercepta un transporte di droga. Zr.Ms. Groningen despues di e deteccion di e boto sospechoso a lansa dos boto rapido di intercepcion di e barco patruyero, e asina yama FRISC, pa intercepta e go-fast nan.

Unabes na un distancia cerca, e FRISC hunto cu e team di Wardacosta Caribe Hulandes, Escuadron di Infanteria di Flota (Fleet Marine Squadron) y e tripulacion di Zr.Ms. Groningen, a identifica nan mes na e boto sospechoso, pa medio di cende nan luznan 'zwaailicht' blow. Despues di esaki e boto a purba huy cu un velocidad halto y e tripulacion a cuminsa tira paketenan den lama.

Durante e persecucion a los tironan di advertencia, y finalmente un di e motornan di e go-fast mester a keda desactiva pa medio di tironan dirigi. E cinco sospechosonan na bordo di e go-fast finalmente a entrega nan mes. E team di e FRISC a saca e paketenan cu a keda tira den lama. E siguiente marduga a bolbe detecta un go-fast den lama Caribe. E biaha aki tabata trata di un go-fast cu shete persona na bordo. Despues di e deteccion di e contacto, e dos botonan rapido di intercepcion di e barco patruyero, esta e FRISC-nan, a keda lansa pa intercepta e go-fast. E 12 sospechosonan di e go-fastnan cu nacionalidad Venezolano, ademas di e contra-banda a keda entrega na Cuerpo Policial di Corsou.



Un total di casi 2.000 kilo di droga e keda confisca riba e dos go-fast nan. Zr.Ms. Groningen desde mei 2023 ta activo como barco patruyero den region Caribe, y ta combina e operacionnan anti-droga cu sosten na Wardacosta Caribe Hulandes hunto cu dunamento di asistencia humanitario.

Violet Spa

Servicios a Domicilio

- Masajes Anti-Estress y Relajantes
- Masajes Terapéuticos
- Reflexologia Podal
- Detox Lónico

Masaje Reductor

- Masajes reductores contiene:
- Aparatología Combinada
 - Manta Térmica
 - Maderoterapia
 - Drenaje Linfático

Moldeo de Figura

con cierre de costilla y reloj de arena



+297-740-5235



Ubicación bajo demanda



BEAUTY & SPA

Prome Minister a cuestiona eror huridico di Minister Ursell Arends Ursell ta prome mandatario cu a cuminsa caso contra su mes

Practicamente tur hende tabata sa for di diabierna caba cu e decision di un dia prome di Minister Ursell Arends di inicia un caso den Corte contra di Embassy Suites, tabata no solamente un eror 'bergonsoso' pa su propio gobierno pero tambe pa su persona.

Ta un eror cu ta confirma e falta di experiencia di un mandatario cu na varios ocasion caba, a demostra su falta di conocimiento pa loke ta gobernacion di e pais, sigur despues cu su partido a haya algun ministerio cu cual RAIZ como partner den gobernacion, no ta ministerionan mucho pisa.

For di e tempo ey medianan di comunicacion a mustra cu loke Ursell Arends y su partido a ricibi for di formado Evelyn Wever Croes pa forma coalicion di MEP-RAIZ tabata simplemente un tipo di "pret pakket," cual awor ta e propio Prome Minister ta confirma cu hasta e ministerionan "facil" aki, a bira problematico pa e vice Prome Minister di e pais.

Inicialmente Prome Minister no a reacciona mesora contra di e decision di Minister Arends kende pa medio di su abogado, a inicia un proceso legal contra di Embassy Suites, sin tuma na consideracion consecucion cu e decision aki ta implica.

Pa cuminsa e pregunta ta: Arends no a realisa cu el a cuminsa un caso contra su mes, cu ta forma parti di Consejo di Minister y Gabinete Wever Croes.

E decision cu a tuma encunto Embassy Suites ta algo cu mester a wordo discuti den reunionnan di Consejo di Minister, di cual Ursell Arends ta forma parti di dje. P'esey

su movecion, pa pasa di sorpresa na e sitio di construccion, ta keda algo straño. E solo presencia di Minister Arends na e sitio di construccion diahuebs ultimo, tabata e prome eror di su parti, ya cu e 'excusus' cu el a presenta di tabata caminda pa un lunch cu su famia, no tabata cuadra y pa despues e no dirigi palabra na abogado di e proyecto, cu ta ruman di Minister Glenbert Croes, pa despues e mesun abogado cu e mandatario a bisa cu e ta papia den su nomber, a inicia e caso algun ora despues.

Den un reaccion na prensa, Prome Minister a mustra cu e ta sumamente sorprendi pa e decision di Minister Arends di acudi na Corte, sin cu el a atende e asunto aki prome den Consejo di Minister di diabierna ultimo, ridiculizando su propio gobierno fuera di su mes.

Segun Premier Wever Croes el a pidi e mandatario nobato un

splicacion di loke el a haci ya cu for di tur angulo cu mira e asunto aki, no tin forma pa aproba e paso tuma pa e minister y su abogado. Minister Presidente a mustra riba seriedad di e caso, caminda inversionistanan ta wordo perhudica sin cu esaki ta necesario y e forma con esaki ta tuma luga, tabata sumamente bergonsoso ya cu permisonan cu tin vigente algun otorga pa e propio gobierno di Minister Arends, ta pone seriedad y integridad di gabinete MEP-RAIZ na duda formal.

Na momento cu Minister Arends papia cu mester balansa importancia pa proteha naturalesa contra desaroyo di e pais, ta algo cu simplemente e mandatario no por uza, sigur ora cu mira cu tin algun sitio caminda sector grandi di matanan di mangrove a muri na algun sitio sin cu el a mustra un tiki di preocupacion pa esaki. Tampoco su gobierno a tuma iniciativa pa haci un estudio di kico ta pasando y kico lo haci cu e situacion aki pero e parti mas ridiculo ta cu Minister Arends y su gobierno no ta tumando na serio ey situacion explosivo cu tin cu e awa sushi di e planta di purificacion di Bubalipias.

Apesar di e situacion aki cu e beach dilanti di Embassy Suites, e gobierno di coalicion lo sigui dilanti ya cu tin cosnan partidista y personal pa regla prome cu e gobierno aki bay cas!

YOUR VISION. KOOYMAN PRECISION.

We know that when you're getting ready to build, construct, fix or beautify, it all starts with a vision.

And from the start of your vision all the way to completion, Kooyman is here to help our Caribbean makers and builders get the right tools, products and expertise, so every detail is done to perfection.

Start realizing your vision today at **kooymanbv.com** or your nearest store.



KOOYMAN
kooymanbv.com

Minister Ursell Arends:

Accion rapido pa proteccion di naturalesa

Durante transcurso di e ultimo simannan, algun desaroyo a tuma luga relaciona cu un aanlegvergunning pa crea un beach dilanti Embassy Suites. Dia 16 di juni 2023, Natura Development N.V. a haya un aanlegvergunning pa crea un beach, bou di varios condicion. Un di e condicionnan ta cu no por kita of haci daño na naturalesa sin ontheffing di Minister di Naturalesa. Esaki tambe ta un prohibicion regla den nos Natuurbeschermingsverordening.

“Lastimamente, a cuminsa kita un tipo di mata protegi na e sitio en cuestion. Esaki sin un ontheffing di mi ministerio manera exige pa ley y poni como condicion den e aanlegvergunning”, Minister Arends ta declara. Natura Development N.V. ta di opinion cu nan no mester di un ontheffing y cuminsa cu e trabaonan. Motibo pa cual Gobierno mester a actua lihe pa preveni mas daño na naturalesa.

Pa para e actividadnan, a opta pa un ordemaatregel. A resulta cu fundacion ABC tawata preparando un paso similar. Den comunicacion rapido cu e abogado di ABC, un peticion pa un ordemaatregel a sali cu a logra su meta di proteha naturalesa e.o. mustrand cu Minister di Naturalesa no a duna un ontheffing.

Den esaki obhetivo di Minister di Naturalesa ta pa atende e desaroyador cu e mester para e actividadnan y sigui e proceso indica. E peticion pa e ordemaatregel ta contene un kibocacion cu a crea e impresion cu un minister



ta demanda un ministerio di un otro minister. E kibocacion aki no tin mas consecuencia pa e proceso. Mas importante ta cumplimiento cu ley y condicion, y proteccion di Aruba su naturalesa.

Esaki hustamente tawata ta e meta di e Minister di Naturalesa, cu a actua rapidamente pa preveni mas daño na naturalesa. Gobierno lo actua pa preveni cu e trabounan pa crea un beach lo continua, en espera di e siguiente pasonan legal.

Minister Arends ta reitira cu pa logra un desaroyo economico sostenibel ta rekeri un balansa entre construccion y naturalesa. Den nos estado di derecho ley y condicion t'ey pa cumpli cun'e y ta conta pa tur. Esaki ta inclui proteccion di naturalesa. Gobierno ta evaluando su siguiente pasonan, teniendo na cuenta e interes general di pais Aruba y e derecho di tur esnan involvi.

TARA LOUNGE
by Elements
RESTAURANT

SUNDAY BRUNCH
\$110 PER COUPLE | CHAMPAGNE INCLUDED
11:45 AM - 3 PM | ADULTS ONLY | CASHLESS
AC INDOOR & OUTDOOR SEATING
RESERVATIONS REQUIRED
elementsaruba.com | +297 583-1100 ext 3



Prome Minister sorprendi cu accion di abogado di Aruba Birdlife Conservation

Riba insistencia di prensa Prome Minister Evelyn Wever-Croes a declara cu e mes ta sumamente sorprendi cu su colega minister a cuminsa un caso contra su mesun gobierno y pues su mes. “Mi no ta compronde e strategia di e abogado cu a propone esaki, cu ta algo huridicamente incorrecto. Mi a pidi colega minister Ursell Arends pa un splicacion kico a bay fout aki, y mi ta pendiente di esaki. E ta un eror grave y esnan responsabel mester carga nan responsabilidad. Pasobra e accion aki por causa daño na e credibilidad di henter nos gobierno, sien-do cu demas ministernan no tin arte ni parti den esaki. Nos ta un gobierno serio, mi a lidera nos gobierno durante e peor pandemia cu nos pais a pasa aden, y na forma responsabel y exitoso. Locual a pasa diabierna cu e caso entama pa Aruba Birdlife Conservation, ta atacha e imagen di gobierno y esey mi no ta aceptata. Minister Ursell Arends ta trahando pa coregi e eror y e mes

lo duna mas splicacion di kico a bay fout. Pues no ta trata aki di problema entre un minister y e resto di su gobierno; ta simplemente un eror”, segun e prome mandatario di nos pais.

Pa loke ta trata e caso mes di Embassy Suites, prome minister a indica cu Embassy Hotel ta un proyecto di varios gobernacion, y cu e mes a yega y haya e proyecto cla. Ta un hotel cu ta duna empleo na hopi mama y tata di famia local. Nan a haci un peticion pa por drecha e beach, y nan a haya promesanan di ministernan anterior. DIP a otorga e ‘aanlegvergunning’ pa nan drecha e beach completamente den cuadro di ley y teniendo na cuenta e consehonan di demas departamentonan, y hasta a inclui e recomendacionnan di Directie Natuur en Milieu (DNM) como condicion den e aanlegvergunning.

Segun minister Arends y DNM a resulta despues, cu e hotel lo a viola e vergunning otorga. A base di rapport di DNM ta evaluando si esaki ta e caso of no y ki paso mester tuma al respecto.



Prome Minister ta reitera cu desaroyo economico ta importante pa nos pais por recupera y den esaki mester busca un balans entre desaroyo y naturalesa.

Gobierno di Aruba ta aprecia e interes di inversionistanan local y stranhero. Aruba tin un sistema legal hopi solido y pues permiso y condicionnan mester wordo cumpli cune. Den e caso aki no ta diferente. E departamentonan di gobierno ta haciendo nan maximo esfuerzo pa resolve e situacion mas pronto cu ta posibel.



Fundacion Pa Nos Muchanan (FPNM) heeft per direct plaatsingsmogelijkheden voor een

PEDAGOGISCH CONSULENT (M/V)

Fundacion Pa Nos Muchanan (FPNM) heeft als doel om alle kinderen op Aruba in de leeftijd van 0 tot en met 12 jaar op een zo hoog mogelijk welzijnspeil te brengen, door opvoedingsondersteuning te bieden aan de doelgroepen ouders, kinderopvangcentra en andere opvoeders. In verband met, onder andere, het uitvoeren van het Meerjarig Deskundigheidsbevorderingsplan Kinderopvang is FPNM op zoek naar een pedagogisch consulent voor een periode van 2 jaar.

In deze veelzijdige functie maakt u deel uit van een team van pedagogisch medewerkers en een administratief medewerker. U legt verantwoording af aan de directeur die belast is met de leiding en bedrijfsvoering van het bureau.

Taken

- Het geven van opvoedingsvoorlichting, advies en begeleiding aan pedagogisch medewerkers werkzaam in de kinderopvang en ouders met (opvoedings) vragen of zorgen.
- Het organiseren van cursussen, workshops en trainingen voor ouders en personeel, kinderopvangcentra en andere opvoeders.
- Het geven van publieksvoorlichting betreffende opvoedingsvraagstukken.
- Het geven van advies en ondersteuning bij het opzetten van nieuwe kinderopvangcentra.
- Het bevorderen van samenwerking en uitwisseling van informatie tussen de kindercentra en het personeel.
- Het mede bevorderen van samenwerking met alsmede pleitbezorging bij relevante (overheids)instellingen en (particuliere) organisaties.
- Het meewerken aan het inventariseren van behoeften en knelpunten in het werkveld.
- Het mede uitvoeren van het Meerjarig Deskundigheidsbevorderingsplan Kinderopvang.

Functie-eisen

- HBO Sociaal Pedagogische Hulpverlening of vergelijkbare opleiding, aangevuld met relevante werkervaring.
- Kennis van de Nederlandse, de Papiamentse, de Engelse en de Spaanse taal in woord en geschrift.
- Kennis van standaardpakketten voor kantoorautomatisering strekt tot aanbeveling.
- Zelfstandig kunnen werken als onderdeel van een kleine team en beschikken over probleemoplossend vermogen.
- Creativiteit en flexibiliteit zijn van belang evenals goede communicatieve vaardigheden, ordelijkheid en systematiek. Werkt conform kwaliteitseisen die binnen de organisatie worden gesteld.
- Kennis in ontwikkeling van kinderen van 0 t/m 12 jaar

Arbeidsvoorwaarden

Uw aanstelling geschiedt op basis van een overeenkomst voor twee (2) jaar rekening houdend met de standaard arbeidsvoorwaarden van FPNM. Kandidaat moet bereid zijn om, wanneer nodig, door de week en/of op zaterdag over te werken.

Sollicitatie

Uw schriftelijke sollicitatie voorzien van uw curriculum vitae, richt u uiterlijk 28 juni 2023 aan het Bestuur van de FPNM per adres Cumana 2, Oranjestad, E-mail adres: info@fpnm.aw. Voor eventuele vragen over de functie neemt u contact op met Mw. Natasha Gilkes, via tel. 583-4247 / 588-0856. Een psychologisch onderzoek kan deel uitmaken van de selectieprocedure.

Eric Ras(Curpa):

Un timebomb ocasiona pa mal gobernacion ta cla pa explota riba e gobierno

Ora husticia den un pais no ta funciona nos ta mira cu e pais ta bay den un decadencia. Enbes di cana den prosperidad e pais ta bay atras y ta mira pobresa. Esaki ta locual nos du-shi isla di Aruba ta bibando na man di un gobierno comunista. Un gobierno cu no ta respeta nos leynan y ta goberna manera cu e ta haya ta bon ta un gobierno dictador. Gobierno continuamente ta viola e ley di comptabilidad y no ta percura pa un jaarrekening.

BBO na frontera a pone nos gremio comercial bira mas agresivo paso nan sa cu nan benta lo bay cay mas. Aruba su economia no por carga mas medida. For di 2017 cu e gobierno di partido MEP yuda pa partido POR y awor RAIZ a sinta ta medida tras di medida nos pueblo a wordo suta cu'ne. Gobierno a biaha rond mundo den biahe di placer paso nada a wordo logra pa yuda nos isla prospera. Mas luga a cuminsa dal nan porta cera Amerijet a cancela vuelo di inmediato. Esakinan ta manda un señal cla pa nos.

Nos por a mira cu e Vacuna Gate a caba manera aros cu coco. A papia di mas di 800 sospechoso pero ta solamente 3 a aparece dilanti hues. Unda e grandinan mes a keda? Rond di mundo tabata tin problema cu e supuesto vacuna aki y awor tur cos ta sali na claridad. E companianan aki cu a fabrica e veneno lo tin cu duna cuenta dilanti hues. E corona virus ta un arma biologico y paisnan a sigui mesun patronchi manera World

Health Organisation a dicta. Un organizacion cu a manipula cu informacion pa asina mas hopi hende tuma e vacuna pa para e virus. E cientificonan for di prome instante a bisa pa no tuma e vacuna paso e ta mas dañino cu bon. Awe nos por mira cuanto hende ta wordo haya morto. Nos ministernan a tume??

Tur caminda aki na Aruba tin problema. Hotelnan ta pasa trabao pa haya trahado y asina mes e gobierno ciego aki kier bin cu mas hotel. Aruba no tin cama pa tanta hende y no tin vivienda. No solamente cas pero tambe ta pone un peso cu Aruba no por carga. Nos por a mira cu den averahe Aruba tin puesto hopi halto pa locual ta trata ilegalidad. Nos sa cu Hulanda y Merca nan frontera ta habri cu awe e pueblonan tin cu biba e consecuencianan. Na Hulanda no tin cas ni pa e Hulandesnan y na Merca tambe el a bay for di man. Aruba no por permiti e cos aki paso seguridad di nos tur ta na peligro.

Tur caminda tin malcontento y nos por a tende di ambten-aarnan cu a entama un caso paso nan a nenga nan vut. Locual cu nos ta mira cu mas y mas hende ta bandona nos isla paso e costo di bida ta asina halto y salarionan ta keda abao. Personal di brandweer tambe ta mal contento pa via cu no tin ekipo y e ambiente di trabao ta pessimo. E oficier van dienst a entrega nan auto paso nan a cansa. Tres auto di paga candela tin y nos por a tende cu poco dia ey mester a pone ekipo di trabao den un pickup paso e materialenwagen ta dañá.

Na KIA no tin luga pa mas preso y casi sigur e peso riba e trahadonan ta grandi. Un luga cu no a haya mantencion y cu ta cay den otro. Cuerpo policial tampoco ta bayendo bon pa via cu no tin opleiding y tin scarsedad di mas di 200 polis. Kier baha overtime tur caminda unda tin scarsedad. E ambte-naarnan ta fada y ta demotiva y situacion ta bira pio cu un aumento di costo di bida. E timebomb ta cla pa explota den cara di gobierno. Pueblo unda nos ta bay?

Minister Arends ta hiba nos prome minister corte pa via di e beach cu kier traha dilanti Embassy Suites. Esaki ta demostra cu no tin un maneho y cu gobierno ta perdido den espacio. Straño si ta cu no por dialoga pa yega na un solucion pero ta gasta placa di pueblo na abogado pa un cos interno. Berdad ta ora cu gobierno ta goberna cu malicia bo ta haya bo cu situa-cion asina. Esaki ta ora cu un gobierno ta bay contra leynan di Dios y awor nan ta recoge nan cosecha di locual cu nan a sembra. E husticia di Dios ta riba nan. Partido Curpa ta e unico alternativa.



Bin bishita nos y probecha!

Paña di bon calidad na bon prijs.



Adres: Avenida Milio J. Croes 47 local 3
Telefon: 5646733 - 5653466
E-mail: info@carlymar.com

GANAU

DIGICEL DL4

5.5 Inch IPS Display

Like and Share
Nos Facebook Page

Tag bo friends den e
comments

Haya chens pa gana



Ganador lo wordo
nombra dia 30 di
juni riba nos
Facebook Page



www.awemainta.com

 /AWEMainta

Auto a cay for di baranca y termina den lama

Diadomingo den oranan di atardi polis a wordo avisa di un auto cu a cay den lama, unda cu e Ferry Terminal di De Palm Island ta situa. Na yegada di polis nan a compronde cu lo ta auto di un trahado, esta un dama cu lo a bay cay den lama. Ta muestra cu e dama a logra sali, y pa e motibo eynan a solicita tambe pa ambulance. Polis a tuma nota di e sucedido y cu e dama ta OK. Despues di esey nan bandona e sitio, unda cu compania di seguro mester a bay trata e caso. Na e sitio nos no por a mira e modelo di e auto, debi cu esaki no tawata visibel mas for di e barancanan. No ta conoci pa nos con e incidente aki por a sosode. Paramedico cu a yega na e sitio a atende cu e dama cu sigur lo a pasa den un susto di su vida.



Eric Ras(Curpa):

Gaña, priminti y no cumpli ta e formato di gobierno pa sigui masacra nos pueblo cu medida

Locual cu gobierno ta haci ta cumpra tempo. Sobrina la tuma e liderazgo di partido MEP y tur locual cu su omo a logra cu lucha y sacrificio a caba na nada. BBO na frontera ta nada otro cu un otro medida mas riba lomba di pueblo. Nos pais a wordo goberna pa hendenan sin escrupulo y cu no tin amor pa nos pais. Partido MEP cu a gana eleccion na 2017 cu yen di promesa falso a sa di destrui nos isla den 6 año di gobernacion. Partido MEP kier sigui biba di pasado y tira tur culpa riba partido AVP. Partido MEP no ta ningun santo paso si durante nan gobernacion di 2001 pa 2009 a subi mercado internacional y fia 1.4 biyon florin no por sigui tira culpa riba partido AVP cu a haci mesun cos.

Durante nan periodo di gobernacion di 2009-2017 partido AVP a fia 1.8 biyon florin cu ta solamente 400 miyon mas cu partido MEP. Pueblo no mester lubida e campaña di partido MEP na 2001 declarando cu Aruba ta bancarota. Awe den 2023 partido MEP hunto cu partido RAIZ ta bay den nos historia pa crea un mega debe riba 2 biyon florin y hisa nos debe nacional riba 6 biyon florin. A yega tempo pa e gobierno aki bay cas paso nan a zink Aruba. BBO na frontera lo ta e ultimo clabo cu e gobierno aki falta.

Nos prome minister tin e ley di RAFT su dilanti pa firma bij het kruisje y tweede kamer ta pusha van Huffelen pa pone un punto final tras di e asunto aki comokiera cu tin 3 año di negociacion su tras y no ta mira un final riba e asunto aki. Hopi promesa haci di parti di nos prome minister na Hulanda pero te cu awe no ta cumpli cu nada na un acuerdonan haci. E holoshi ta canando y nos sa cu gobierno no a baha su gastonan y ta manera un bari sin bom ora cu ta trata placa di pueblo. Locual cu lo bay ta skirbi den historia di Aruba ta con partido MEP y partido RAIZ a entrega nos autonomia y a destrui nos isla. Nos pueblo mester biba den miseria pa nos gobernantenan por biaha rond di mundo sin ningun logro. Pueblo no mester lubida e contract di Eagle LNG cu ta scondi y pueblo mester lubida riba e proyecto di hidrogeno cu lo yega aki banda na 2050. Otro mentira mas di nos minister encarga cu labor, energia y integracion.

Dia 21 di juni 2023, 21 banco a crash na Merca esey ta duna nos un indicacion cu e situacion financiero mundialmente ta birando pio. Europa y Merca ta den un recession. Segun nos por a compronde kier introduci e dollar digital pa dia 4 di juli 2023. Nos ta den e tormenta perfecto y nos por ta sigur cu Aruba lo sinti efecto di esaki. Nos di partido Curpa ta sigui bisa cu nos isla no ta prepara pa locual lo pasa ora otro banconan cuminsa crash y ningun hende por saca placa ni swipe for di banco. Pueblo di Aruba laga nos prepara pa locual cu ta na caminda. Esaki ta e momento pa nos acerca mas cerca Dios. Fuera di esaki tambe tin scarsedad di cuminda mundialmente. Riba e tereno di alimento Aruba no ta prepara tampoco.

E momento a yega pa trece un cambio den gobernacion y haci un limpieza completo. Partidonan politico tradicional no a sa di goberna nos isla y tampoco a sa di administra placa di pueblo. For di momento cu minister no ta respeta e ley di comptabilidad ta duna nos di compronde cu nan ta haci nan mes doño di placa di pueblo y ta falta pueblo respet. Esaki ta pasa ora partidonan cu yen di promesa falso ta logra drenta gobierno y despues ta saca nan huña y ta cuminsa goberna manera un partido comunista y ningun hende por bisa nan nada. Dios su tempo ta perfecto y awor a yega e tempo cu nan lo sinti e consecuencia di tur gañamento. Ba sembra mentira y cosecha bo mentiranen awor. Pueblo di Aruba un gobierno sin Dios ta un gobierno sin husticia. Pueblo ta sufri inhusticia na man di e gobierno aki. Partido Curpa ta e unico alternativa.

APPAREL **BOAT ACCESSORIES**

TODOMAR

f TodomarAruba @TodomarAruba TodomarAruba +297 585 0555

FISHING TACKLE **FIBERGLASS PRODUCTS**

Summer Extravaganza Aruba

HAPPY HOUR
DIABIerna
5PM - 7PM

BUCKET SPECIAL
30 FLR
BALASHI TAPA CORA
CHILL

VILLA FLORALINA
JUNI 30



4ever4

Dos persona deteni

Despues cu probablemente nan kier of a dal hende cu auto



Diabierna anochi polis ta wordo informa door di un automobilista cu chauffeur di un Hyundai H1 Van color blauw lo a maltrate, y aparentemente kier of a dal'e cu e auto. Polis a busca e vehiculo, y ariba e caminda di Pos Abou pa Bush-iri a logra intercepta e Van color blauw.

Den e Van tawata tin tres persona, dos hende homber y un dama. E victima a keda warda polis altura di Elmar Hato, unda cu un patruya lo a atende cu ne.

Detencion

Mirando cu e victima a entrega keho contra e chauffeur agresor, polis a bise su derechonan y a bay over na detene e chauffeur y e dama. Ki rol e dama a hunga den tur esaki no ta mucho cla.

A pidi pa transportwagen cu a yega y a ta transporta e pareha hunto pa warda di Shaba. Motibo di dicho agresion polis lo tin di saca afo na warda.

Polis a splica e victima su caminda pa cana.



PASEO HERENCIA

*THE BEST ENTERTAINMENT
IN THE BEST ENVIRONMENT*

- **LATEST RELEASES**
- **RECLINING SEATING**
- **LASER PROJECTION**
- **7.1 DOLBY SOUND**
- **RESERVED SEATING**
- **ONLINE TICKETING**
- **CONCESSION AND DELI**

Exitoso IFK Aruba Kyokushin Camp 2023:

Un evento di entrenamiento y desaroyo den arte marcial

Durante cuater dia intensivo, entre diahuebs dia 18 y diadomingo dia 21 di mei, practicantenan local y internacional di e arte marcial Kyokushin a uni forsa y conocimiento den un camp di entrenamiento na unda disciplina, dedicacion y desaroyo personal a resalta.

Kyokushin Karate, cual ta conoci mundialmente como “the strongest karate,” ta caracteriza pa su entrenamiento fisico riguroso y disciplina mental. Ademas, e ta incorpora e concepto di “full contact sparring,” den dojo (e sala na unda nan ta practica), pa fortifica e habilidadnan fisico y mental di e practicantenan.

E camp aki, organisa door di IFK Aruba den colaboracion cu Tokon Dojo, a presenta un programa diverso y completo. Esaki a inclui entrenamiento den dojo, pero tambe den naturalesa, riba nos beachnan espectacular manera Andicuri, durante salida y bahada di solo, y primordialmente e practica di Kyokushin den su forma di mas puro y tradicional.

E participantenan local y esunan cu a bin for di exterior a ricibi instruccionnan di calidad halto brinda pa Shihan Michael Monaco. Shihan Monaco tin e grado sumamente halto di “8ste dan” y ademas tabata un estudiante directo di dos gran figura den mundo di Kyokushin Karate: Sosai Mas Oyama, kende a funda Kyokushin Karate y tabata un maestro renombra, y Hanshi Steve Arneil, kende a sirbi como un di e instructornan principal den e organisacion di Kyokushin cu Sosai Oyama a establece, te ora cu el a crea su mesun organisacion, International Federation of Karate - Kyokushin (IFK), na 1991.

Ademas di Shihan Monaco, instruccion a wordo brinda door di Shihan Sean Schenker di New York, cu tin un grado di “5de dan,” y nos experto local, Shihan Dr. Gregory Laclé, cu igualmente tin un grado di “5de dan”.

Durante e camp tambe a tuma luga examen bou supervision di Shihan Monaco. Esaki tabata un honor sumamente special, como cu awendia ta masha dificil pa pasa un examen dilanti di un estudiante directo di fundado Sosai Oyama. Esnan cu a pasa nan examen exitosamente tabata:

Sensei Zairo Ruiz (3de dan) - Aruba
Senpai Greg Helder (1ste dan) - Aruba
Derek Schenker (3de kyu) - USA

Tokon Dojo ta existi pa hopi aña na Aruba y awor ta bou liderazgo di Sensei Zairo Ruiz (3de dan) y Senpai Brian Marchena (1ste dan). E lesnan ta ser duna tanto na mucha como adulto riba dialuna y diahuebs den e gymzaal di Prinses Amalia Basischool. Importante pa menciona ta cu e dojo ta sigui aplica e mesun balornan di disciplina y respet cu ta origina for di e lesnan di Shihan Frankie Kuiperi (dfm) y tin como meta principal pa pasa e conocimiento di Kyokushin pa un y tur. Tokon Dojo ta afilia internacionalmente na Internationa Federation of Karate



(Kyokushin) y ta sigui e curriculum cual ta ser uza internacionalmente den mas di 65 pasi rond di mundo.

Pa organisa un camp asina sigur ta un logro grandi pa mundo di karate na Aruba y specialmente pa tur esnan cu ta amante di Kyokushin. Pabien na tur cu a haci esaki posibel. Si bo ta interesa pa sa mas of tin cualkier pregunta over di Tokon Kyokushin Dojo, bishita nan pagina di Facebook of Instagram. OSU!



Prome Minister Evelyn Wever-Croes:

‘Periodista pa un Dia’ ta encurasha nos muchanan e habilidad pa haci cua pregunta cu nan ta desea di haci

‘Periodistanan pa un Dia’ di diabierna 23 di juni tawata Ailani Perez, Skylee Tromp, Kaylee Croes, Luna Basuari Quiroz, Lishaina Kock y Ciara Winterdaal. Contento e hobennan a drenta e sala di conferencia di Gobierno di Aruba acompaña pa mayornan.

E presentadora den Conferencia di Prensa di Gobierno di Aruba, señora Sandra Croes, a splica e muchanan, cu tawata hopi ansioso pa scucha, e proceso di cada conferencia di prensa di Gobierno. Sandra a splica e muchanan cu na principio e tawata bira un tiki nervioso pasobra tawata un trabou nobo y diferente na loke semper e tawata haci. Sandra ta gradua pa dokter asistent na Hulanda cual profesion el a traha y eherce masha poco. Desde cu el a regresa Aruba, el a pasiona pa e mundo di medionan di comunicacion y presentacion y tin un trayectoria largo pa mas di 15 aña. Sandra a conseha e muchanan cu tur loke nan cuminsa haci den bida, semper hacie cu amor y orguyo pasobra asina so lo vence e miedo di haci algo nobo.

Pa e siman aki, e periodista invita ta Aldric Werleman di TeleAruba. Aldrick tin 27 aña trahando den e mundo di Television na Aruba. El a studia “Liberal Arts” na Merca. Despues di su estudio, Aldrick a traha den canalnan di television como editor di noticia, productor di noticia na Papiamento, Ingles y Spaño, graphic designer, programanan special, reportahe special, noticia internacional durante Covid, y a percura tambe pa e New Look di Telenoticia. Na 2016, Aldrick a a cuminsa realiza un noticiario completo na Spaño, “Primera Plana con Alejandra Forero”. Na aña 2021, TeleAruba a nombra Aldrick como director di Telenoticia y hunto cu Andrew Vrolijk, ta dirigi e departamento cu ta consisti di un team di 9 persona. Patrick a expresa na e muchanan cu periodismo ta hopi importante pa nos comunidad. E ta un herment pa uza pa informa un comunidad corecto, obhetivo, transparente cu ta permiti pa uza investigacion y creatividad pa realiza storianan, noticia cu ta keda veredicto y ta mantene nos tur bon informa. Aldrick cu tur pasenshi a prepara e muchanan pa e Conferencia di Prensa cu Prome Minister y a guia nan con pa haci nan pregunta.

Algo cu nos Periodistanan pa un Dia a keda hopi contento ta nan encuentro cu Prome Minister Evelyn Wever-Croes den sala di Consejo di Minister y tur a keda hopi impresiona y feliz di a conoce Prome Minister y di e splicacion di e trabou di Gobierno y e decisionnan importante cu ta wordo tuma den e sala di Consejo di Minister.



Despues di nan bishita den Sala di Consejo di Minister y Oficina di Prome Minister, e Periodistanan pa un Dia a regresa den e sala di conferencia na unda cu a tuma luga e Conferencia di Prensa Hubenil. Aki, un pa un, e muchanan a haya e oportunidad pa haci nan preguntanan na Prome Minister.

Cu placer Prome Minister a scucha y contesta cada pregunta di nos periodistanan hoben. Preguntanan cu a varia di bida personal, estudio, profesion y conocimiento general. Y na final, Prome Minister a indica cu e intencion di e Proyecto Periodista pa un Dia ta pa nos muchanan cera conoci cu e trabou di periodistanan na Aruba. Y tambe, pa encurasha nos mucha e habilidad pa haci cua pregunta cu nan kier, den e caso aki, na Prome Minister. Y nan tin derecho pa haya contesta. Pa e motibo aki tambe, e Conferencia di Prensa Hubenil aki tawata live via TeleAruba y Pagina di Facebook di Gabinete Wever-Croes.

Prome Minister ta gradici tur esnan cu a haci ‘Periodista pa un Dia’ posibel y un exito. Danki tambe na señor Aldrick Werleman di TeleAruba pa su tempo pa splica nos muchanan mas di e trabou aki. Danki na TeleAruba cu a partner cu nos den e Proyecto aki. Danki na e mayornan pa permiti nan yiunan participa y danki special na nos muchanan cu a participa.

Minister Dangui Oduber:

Pabien ImSan cu un logro grandi pa cuido medico cu e preliminar JCI Accreditation

Diabierna merdia Minister di Turismo y Salud Publico sr. Dangui Oduber tabata na ImSan. Aki e mandatario a presencia e bunita momento caminda cu dr. Rajnherc a duna e bon noticia na full e team di ImSan cu nan a logra haya nan preliminary Gold Seal of Approval accreditation di Joint Commission International (JCI).

Durante tur e añanan cu a transcuri ImSan a traha hopi duro pa logra e acreditacion di JCI. Un reto cu a cuminsa bou di Gabinete Wever-Croes¹ caminda hopi inversionnan a tuma luga asina Minister Oduber a trece dilanti. Minister Oduber desde principio a sostene ImSan y a percura pa aproba e financiamiento di nan masterplan.

E acreditacion di JCI aki lo habri posibilidadnan nobo pa ImSan por sigui crece y mehora e calidad di cuido na Aruba y explora turismo medico. ImSan lo ta e prome hospital acredita den ful e region di Caribe Hulandes. Na mundo tin un total di 1000 instituto den 70 pais cu tin e acreditacion aki. Dentro di 10 dia despues di 23 juni Aruba tambe lo ta formando parti di e grupo aki.

Aruba sigur ta orguyoso di e logro aki, Minister Oduber ta manda felicitacion na e management, e staff y ful e personal pa e excelente trabou di cuido y servicio cu a haci e acreditacion aki posibel.

Minister Dangui Oduber lo sigui duna tur cooperacion na ImSan y tambe Hospital HOH pa asina percura pa mehoracion di cuido, calidad y servicio.



Graduacion 2023 di Maria School



Den Indian Rock Gardens a tuma luga e graduacion 2023 di e alumnonan di e klasnan 6A y 6B. E team di maestronan, mayornan y personal di Maria School presente a gosa cu entusiasmo e entrega di certificado na cada alumno. Tawata e director adhunto Janine Hermans hunto cu maestronan Kathy Boezem y Marvin Vrolijk, cu a haci entrega di e certificado na tur alumno. Den su speech sra. Hermans a gradici tur mayor y alumno pa e confiansa den Maria School. Tambe el a desea cada un di nan tur clase di exito den futuro. E dos klasnan a presenta nan baile y cantica di despedida. E baile tawata dirigi pa e alumno Niurick Werleman di Popcorn Dancers. Musica tawata di DJ Alvin. Maestro di ceremonia tawata maestro Addonsito Croes.

Ateliers '89

Ultimo dlanan pa inscribi pa e interesantisimo workshop

Cuminsando Dialuna 3 di Juli di 7 - 9pm na Ateliers '89 Punto Di Beyas Arte Aruba. Cada tanto tempo Ateliers '89 ta organisa un workshop di tal caliber. Un master class den arte contemporaneo di Caribe y con esaki ta integra den e arte y su comercialisacion grandi internacionalmente.

Ta p'esey mes ta un momento hopi importante cu nos ta pasando aden. Pa e motibo aki nos ta urgi tur artista pa bin participa na e workshop aki. Pa bo mes por evalua y engrandece bo obra

actual di arte riba e nivel Caribense y internacional. Tambe Terese ta un curador historiador y Artista cu una bes e conoce bo obra y abo mes den persona por promove bo na un Bienal, exposiciona nan internacional o momento cu e mes tin cu redacta riba e arte contemporaneo internacionalmente di Aruba y Caribe.

P'esey mes bin Dialuna 3 di Juli y participa na workshop aki. Yama na 56564613 of manda un e-mail na elvis@ateliers89.org.

**JULY
3-13**

ATELIERS '89







**8 LECTURES ON
CARIBBEAN ART**
 Dr. Therese Hadchity



FOR MORE INFORMATION, CONTACT ELVIS LOPEZ AT (+297) 565 4613

E pais Palestina – E pueblo Palestino

Diabierna President di Palestina, Mahmoud Abbas, lo presenta un peticion na Nacionnan Uni (N.U.) pa pidi reconocimiento di Palestina como un estado miembro cu tur derecho di e organisacion. Manera ta di spera, tur paisnan Arabe ta apoya e peticion pa e pais haya e reconocimiento cu e ta pidi. Pero con e paisnan ta pensa di e Palestinonan? Nan ta duna e Palestinonan full reconocimiento manera e pais ta existi na N.U.? Mi kier comparti un experiencia personal cu mi tabatin tempo cu mi tabata traha na Saudi Arabia.

Na aña 1973 mi tabata empleado di Exxon presta na Aramco y staciona den e 'headquarter' na Dhahran. Aramco, e tempo ey, tabata un consorcio di Exxon, Mobil, Socal (Standard Oil of California) y Texaco.

Yasser Arafat tabata lider di PLO, conoci pa su actonan di terorismo, incluyendo, of especialmente pa, e atake riba e atletanan Israeli na Munich e aña anterior (1972). Tabatin Palestino cu tabata traha den oficina y na scol na Dhahran y, mi a descubri, tur tabata Palestino Cristian.

Aparentemente, aunke e gobierno Saudite ta e protector di mundo musulman, e no tabata duna permiso na Palestino musulman pa traha aya. E famia real di Saudi Arabia tabata considera nan demasiado peligroso y no tabata confia nan.

Mi señora (d.f.m.) y ami a conoce un pareha Palestino (wak e foto) di cual e señora tabata duna les na muchanan den 'Zondagschool' di un kerki protestant na Dhahran. Mi dos yiu muhernan cu tabata asisti American Community School (ACS) di Beirut tabatin hopi duele cu e Palestinonan cu tabata biba den pobresa teribel na Lebanon. Te hasta nan a participa den un accion di



Pareha Palestino Cristian tabata traha y biba na Dhahran, Saudi Arabia pero no tabata permiti bishita e beach di Ras Tanura pasobra aya tabatin refinaria.

ACS pa drecha y pinta un scol den un pueblo Palestino masha, masha pober cerca di Beirut. Cu e actonan di nos yiunan como referencia, y nos propio sentimentonan fuerte, nos por a forma un bon amistad cu e pareha.

Dia cu e ruman di e señora a bin pasa vacantie na Dhahran (e tabata estudiante di un universidad renombra na Paris), nos kier a invit'e pa bay landa cu nos na e bunita beach di Ras Tanura. Pa nos sorpresa, nos a tende cu Palestinonan Cristian a haya pemiso pa traha na Dhahran y pa bishita otro pueblonan den e pais, pero nan, ni miembronan di nan famia, no tabata permiti pa bay Ras Tanura ni otro lugarnan caminda tin refinaria of produccion di petroleo. E desconfiansa tabata yega asina leu!

E gobierno Saudite tabata duna respaldo moral y financiero na e activ-

idadnan di Yasser Arafat y su PLO cu tabatin como un di su metanan principal e destruccion completo di e pais Israel, pero na e Palestinonan, 'mafiish', nada di reconocimiento di igualdad.

Ta mas di 40 aña pasa, pero di loke mi por lesa, poco a cambia den e politica di e pais Arabe pa cu e hendenan Palestino. Miyones di dollar ta bay pa nan, basta nan keda leu!

Clyde R. Harms Sr.

Fortaleza pa Famia

Ban uni y haci oracion, pa Dios para e ola di violencia bao di nos hubentud

YA nada no por wordo scondi, ni politica por wordo hunga, nos hubentud mester di ayudo, nos hubentud tin mester di Dios.

*** Cada crimen cu wordo cometi, cada hoben cu wordo asesina cu arma di candela of no, ta un muestra cu nos ta leu for di e caminda di bondad cu nos mester ta.

No ta tempo pa wak kico ta pasando den otro pais, of compara nos mes cu e fenomeno mundial, bisando cu ta tur caminda ta mesun cos esey ta un mentira, laga nos no compara nos mes cu otro pais pero laga nos busca cara di Dios. Pasobra awendia ta facil pa mira maldad, malicia, inmoralidad, crimen, y otro tipo di bagamunderia abominabel tuma luga y acepta, apoya, sconde, manipula, y no reconoce e falta di Dios su presencia den nos hogarnan.

Ora nos mira cara di e hobennan cu ta comete crimen, nos ta haci un pregunta, cu por ta , bo ta keda straña.

- * Cuanto hoben mas tin den e situacion aki ta cana rond?
- * Cuanto arma a cay den man di hobennan?
- * Dicon crueldad a aumenta asina tanto bao di hobennan?
- * Kico un hoben ta sinti ora e mata otro hoben.

Acaso ta nos so ta ripara cu e isla aki tin un urgencia, pa yega na Dios?

Den un temporada cu a pidi entrega di arma, e uzo di arma di candela a aumenta, ningun hende no tin mester di ta un experto criminologo pa nota esey, E cos a bira manera un pelicula.

Ban pone un banda tur politica.

Ban pone un banda tur tiramento di falta riba otro, no sinta wak ta yiu di ken, of cual bario.

Tampoco si e tin scol of no, of e ta bini di famia kibra, of su tata nunca no a crie, of e tin problema mental cu e no por responsabilisa su mes pa su actonan. Pero ban presenta dilanti di Dios pa ayudo, pasobra manera ta conoci pa nos tur cu ta despues cu un hoben comete un crimen, tur locual ta su situacion mental ta sali na cla y haya un nomber científico. Mientras cu e no comete un barbaridad cruel cu arma di candela ningun hende sa su condicion mental.

Tin hopi manera di rechasa Dios, y un di nan ta cu ora nos tende cu ta solamente Dios por yuda, nos ta keda sin acudi, door cu diabel ta hinca den cabes di hende cu ta religion, ta religioso, ta cos di misa, nan kier cambia bo, pero keda manera bo ta. Esey ta e mentira mas grandi cu diabel por hinca den cabes di hende, y mas aun ora otro nan cu mester sa miho ta uza esey como capa pa mantene hende den scuridad. Dios t'ey pa tur esnan cu ta kere cu te ainda e por tene misericordia di nos hubentud, di famia, di matrimonio, y rek Su man y yuda nos.

Mescos cu pa hopi aña wega politico y religioso ta wordo hunga cu adiccion, y mira awor te na unda nos ta, awor aki tambe mesun wega ta wordo hunga cu criminalidad bao di hubentud. Nos ta laga esaki pa tur hende reflexiona y corda riba locual Dios a bisa;

- *Si Mi pueblo, cu ta wordo yama na Mi nomber,
- *Humiya nan mes, y haci Oracion, y busca Mi cara.

*Y, bira for di nan Mal camindanan, e ora ey lo Mi tende for di cielo, y lo perdona nan pica, y cura nan tera (2 Cronicanan 7:14).

Sinceramente, Pastor Marcel Balootje

8 aña di prizon pa Venezolanonan detene cu droga pero Mericano a tira un di nan mata

WILLEMSTAD - Corte di prome instancia diabierna a dicta sentencia den e caso di 4 Venezolano gara cu droga den awanan internacional. Ta trata aki di Hernandez Garcia (27 aña di edad), Gonzalez Gomez (23 aña di edad), Placencia Salazar (32 aña di edad) y Malave Vargas (di 36 aña di edad). Tabata dia 25 di juli 2022 cu nan tabata riba lama, nan 5 cu e cantidad di 1.619 kilo di cocaina, pero Warda Costa Hulandes, hunto cu un autoridad Mericano a persigui nan finalmente, anto a tira e capitan mata.

Tratamento di e caso den sala di corte a coy un buelta bastante emocional na momento cu abogado mr. Eldon 'Peppie' Sulvaran a musta cu autoridadnan a faya (*) Cu nan deber di traha proces-verbaal di e suceso, (*) Cu uzo desproporcional di violencia na momento di detencion di Venezolanonan. Den sala di corte por a mira loke a pasa riba lama y segun abogado mr. Eldon 'Peppie' Sulvaran absolutamente no ta berdad cu un di e Venezolanonan, esta e capitan, a menasa cu schroefdraai y cu esey tabata e motibo pa e autoridad Mericano na bordo di e barco di warda costa Hulandes, tir'e mata.

Aki ta trata puramente di uzo di violencia di un forma desproporcional e abogado a argumenta durante e tratamiento. Mas aleu ta sigui bisa cu e proces-verbaal ta traha despues, anto no dor di e militarnan mes cu a presencia e suceso y ta mentiroso ya cu acusacionnan haci no ta cuadra cu e imagennan di video. Tambe e abogado ta referi na diferente palabranan insolente, humiante y menasante expresa durante e aresto cu a tuma luga, cu no tabata na nodi y cu di ningun manera no ta aparece den e proces-verbaal traha hopi despues dor di Casbergen, kende no tabata presente. Abogado mr. Eldon 'Peppie' Sulvaran a bisa cu insistencia cu e proces-verbaal su contenido ta dudoso, e ta mentiroso, pues no por tum'e na serio ya cu e ta patapata di mentira y falta di detayenan esencial di e suceso.

Corte sinembargo a referi na e imagennan di video cu ta musta minuut pa minuut tur loke a pasa y ta cuadra cu e proces-verbaal cu Casbergen a presenta. Corte ta di acuerdo cu e abogado cu a bisa cu e imagennan di video no ta musta 2 telefon, 2 mashin di arma di candela ni tampoco e GPS cu e acusadonan Venezolano lo a trata di benta den lama.

Tampoco corte ta acuerdo cu e capitan Venezolano a keda tira mata lo a ataca un di e militarnan cu a subi na bordo di e Go Fast cu schroefdraai. E hecho cu e abogado a argumenta



cu a uza violencia desproporcional den bista di corte tambe ta cuadra, pasobra no tin ningun indicacion cu e capitan cu nan a tira mata ni e otro tripulantenan kier a uza arma, al contrali a mira e capitan benta arma di candela na lama, anto esey mesora ta contradeci e ponencia cu e Venezolano lo tabata violento.

Sinembargo e situacion relaciona cu morto di e capitan, segun corte no ta e 'issue' cu a keda trata y si ta asina cu por proba cu e Venezolanonan a viola e lei di droga ya cu a gara nan cu e cantidad di 1.619 kilo pa cua cada uno a haya e castigo di 9 aña di prizon.

Final di e cuenta aki ta cu e Venezolanonan y of abogado mr. Eldon 'Peppie' Sulvaran lo bay den apelacion contra di e sentencia.

Otro punto di Alex Rosaria:

Gremio politico a tapa cara pa desigualdad y discriminacion

WILLEMSTAD - Alex Rosaria den su ensayo super critico di formacion y ehecucion di mandatarionan den nan tarea a toca un tema sensitivo pero cu tin tur cos di haber cu democracia y trato igual di hende. Pa e autornan di Landenpakket Corsou cu ningun no a lesa practicamente tin nada riba e tema di e deficit democratico.

Como ehempel Rosaria ta muestra cu den nos democracia te ainda ta legal pa trata ciudadanonan di forma desigual y discriminatorio basa riba nan orientacion sexual. Miembronan dje grupo di habitante di orientacion cu no ta hetero, e grupo LGBTQ, ta ciudadanonan di segunda categoria pero ningun hende ta reclama e situacion aki. Rosaria ta señala cu nos por resolve e deficit aki pero no ta saca un dede pa resolve esaki.

E situacion aki ta pon'e corda riba e fanaticonan racista cu tabata apoya esclavitud y ta contra igualdad pa muhe, no-catoliconan y hende di rasa preto. Awendia ta e gruponan cristian radical peligroso cu ta apoya e coalicion aki. Nan meta ta pa kibra poder hudicial pasobra e presidente ta di otro orientacion cu nan. Mientras tanto ta reina un silencio di sepulkro ora ta toca e tsunami di homosexual y pedofil perverso den nan misa y nan secta. Y masha importante: no ta evalua e evaluacion hudicial di Corte riba leinan cu parlamento a traha. Un dje vupanan dje construccion aki tabata e lei 80/20.

Richelon S, sentencia na 80 ora castigo di trabou



WILLEMSTAD - E ciudadano Richelon S di 27 aña di edad diabierna a presenta den sala di corte pa responsabilisa actonan castigabel cu el a keda acusa di dje. Pa cuminsa un di e acusacionnan ta posesion di marihuana dia 26 di september 2022 na e cantidad di 33 gram. E siguiente acusacion contra di Richelon ta cultivo di marihuana durante e periodo 1 di juni 2022 pa 27 di september 2022 na e adres Caya Sobre Cama y aki ta trata di 64 planchi di marihuana. E otro acusacion contra di Richelon S ta traficacion di droga durante e periodo ariba menciona. Pa su defensa Richelon tabatin abogado mr. S.F. Osepa, siendo e fiscal ta señora mr K. Hara, kende a demanda un castigo di trabou di 80 ora ya cu e acusacionnan 1 y 2 a keda legalmente y convincentemente proba. Pero cu Richelon lo ta trafica den droga no a keda proba. Hues mr. Sigmar Carmelia a dicta e sentencia conforme e demanda di fiscal, esta un castigo di trabou di 80 ora.



Aurora
Royal Pray
Funeral Home & Crematory

The LORD is my shepherd; I shall not want.
2 He makes me lie down in green pastures.
He leads me beside still waters.
3 He restores my soul.
He leads me in paths of righteousness
for his name's sake.
With deep sorrow we announce
the passing of our beloved:

Navilia Rufinay Adolfo

*10-07-1926 †21-06-2023

Date and place of funeral will be announced later



Aurora
Royal Pray
Funeral Home & Crematory

"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa". - Salmo: 23

Nos ta anuncia fayecimento di:

Jahaira M.J. Webb-Rasmijn

Mi hor conoci como: "Jaja"
*26-12-1983 - †18-06-2023

Acto di despedida lo wordo anuncia despues.



Aurora
Royal Pray
Funeral Home & Crematory

"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa trankil,
pa mi bolbe haña forsa". - Salmo: 23

Ta participa fayecimento di:

Marie D. Cezaire-Joicin

*26-05-1957 - † 06-06-2023

Acto di entierro lo wordo anuncia despues



THE LORD IS CLOSE TO
THE BROKENHEARTED
AND SAVES THOSE WHO
ARE CRUSHED IN SPIRIT.

PSALM 34:18



Uw woord is een stralend licht,
dat mij de weg door het leven wijst
Psalmen 119:105

Cu hopi tristesa pero conforme cu boluntad
di Dios nos ta anuncia cu a bay laga nos den
brasa di Señor

**Johannes Hendrik
Oudshoorn**
mihor conoci como "Hans"
*8 October 1961 - †22 juni 2023

Casa: Etwina Oudshoorn-Lugo

Yui: Jonathan Oudshoorn

Yui di criansa: Stephanie Wernet

Nieto(a)nan:
Mariangel Wernet
Jonaliene Wernet
Kelvin Willems

Mama: Thea Oudshoorn-van Amelsvoord

Tata: Johannes Oudshoorn

Rumannan:
Yolanda y Tom van der Schans-Oudshoorn
Sylvia y Aldo Kolenbrander-Oudshoorn
Anton y Maaike Oudshoorn-Poelsma

Suegra: †Maria Lugo-Dirksz

Suegro: Belen Lugo

Swa y cuñanan:
Carmen Lugo y Rolando Hoek y yui
Marcelia Lugo
Elivia Lugo y yuinan
Beltran Lugo
Juan Roberto Lugo
Maria Guadalupe Lugo y yui
Enrique Lugo y yuinan
Bernardo Lugo y yuinan
Omaira y Jan Hendrik Flanegin-Lugo y yuinan

Subrino(a)nan:
Mitchel van der Schans, Thirza van der Schans,
Larissa Kolenbrander, Moisha Kolenbrander y
Rick Oudshoorn

Ihanan:
Tilly Quintana, Geramy Chiquito, Noa Lugo y
Mariangel Wernet

Tanta y omonan, primo(a)nan, amigo(a)
nan, conocirnan y demas famia Oudshoorn,
Lugo, van Amelsvoord, van der Schans,
Kolenbrander y Poelsma

Ta invita pa acto di despedida cu lo tuma
lugar diaranson dia **28 di juni 2023** na Aurora
Funeral Home di 9or pa 11or di mainta.

Acto di cremashon lo tuma lugar den seno
familiar.

Despues di cremashon no ta ricibi bishita di
condolencia na cas.

Nos ta disculpa si den nos tristesa nos por a
lubida cualkier persona



Pero esnan cu confia den señor
lo haya forsa renoba, ma lo bula
bay ariba cu hala manera Aguila.
Nan ta cana sin cansa,
nan ta cana sin perde rosea.
- Isaias 40: 31

Cu dolor na nos curason nos ta participa
fayecimento di nos ser stima:

**Ana B.
Calderon Mendez**
Cariñosamente yama "Anin"
*14-12-1969 - †21-06-2023

Na number di su:
Mama: Carmen Mendez

Tata: † Marco Calderon

Yiu: Dana Paola Calderon

Rumannan:
Josefina Calderon
Darwin Escobar

Rumannan di criansa:
Raisa Perreira
Anadircia van Schie
Carmen Mendez
Catharine Hernandez
Gabriel Mendez
Altagracia Amparo
Cristina Mendez
Morena
Ferrer Alvarez

Omo y tanta:
Famia na Colombia
Famia na Republica Dominicana
Juana Mendez
Maldonado de los Santos


Sobrino(a)nan:
Asly Cabrera, Ana Luisa Ceballos, Raiden
Roan Ceballos, Alejandra Perreira, Sheymark
Monticeuex, Lia Escobar, Mía Escobar, Shemar
Monticeuex, Luis Andres Mendez, Johnferrier
Alvarez, Anueri Gonzalez, Naïma van Schie,
Maxwell van Schie

Primo(a)nan:
Famia Escobar
Famia nan na Republica Dominicana

Ta invita pa acto di entierro cual lo tuma lugar na
Aurora Funeral home **diamars 27 di juni 2023** di
2'or pa 4'or di atardi. Despues lo sali pa Santana
Central Sabana Basora.

Condolencia lo tuma lugar na Aurora Funeral
Home dialuna 26 di juni 2023. Di 7'or pa 9'or di
anochi.

Disculpa nos si den nos tristesa nos por a lubida
algun famia of conocir.



Senor ta mi Wardador,
mi n' tin falta di nada,
den kunuku di yerba Bèrdè
E ta pone mi sosegá
E ta hiba mi na awa frankil, pa mi bolbe haña
forza.

Cu Honda Pena, Pero Gradecido pa tur Locual e
la significa pa nos,
Nos ta anuncia Fayecimento di

**Sra. Viuda Thomasina
Theodora Limonier-Croes**
Na un Bunita Edad 91 Anja
"Mama China, Ma China of Doedoe"
*1 April 1932 - †16 June 2023

Na number di
Su Mayornan: † Porfilio y † Lucia Croes
Esposo: † Hildo Limonier

Yiunan:
Mario "Mai" Limonier y Glenda Limonier Dijkhoff
Viudo Francisco "Frans" Limonier
Frida Orman Limonier y Clyde Orman
Edwin "Eddy" Limonier y Wendy Boutier
Florencia "Mary" Limonier

Manera yui: Esther "Tette" Dirksz y Famia

Nieto y Nietanan:
Jolitza Limonier
Marion y Judmira Limonier
Janine Limonier y Robert Tromp
Norman Orman y Yeniree Penja
Hildomar Limonier y Rishelline Slagt
Windy Joung y Shandra Vrolijk
Glenmar Limonier
Jamyson Limonier y Jaim Tobing
Randy Joung
Jermain Limonier y Kaylee van Dongen

Su Bisanieta y Bisanietanan:
Kayley Wernet, Dayomar Limonier, Jayron Tromp,
Nayira Orman, Dayler Limonier, Naomar Limonier,
Nayree Orman, Naylie Orman, Yasira Acta.

Mama di su Bisanieta nan, Dajana Semeleer

Tur su Ruman nan den Feliz Memoria

Su Cuñanan:
Viuda Norma Croes y Famia
Antonia y Santiago Erasmus y Famia

Su Subrina y Subrino nan, Prima y Primo nan,
Comer y Comper nan y su Iha nan.

Famianan:
Croes, Limonier, Dijkhoff, De Cuba, Orman,
Boutier, Joung, Quandus, Vrolijk, Hernandez,
Loopstok, Kelly, Alias, Lampe, Hazel, Figaroa,
Willems, Dammers, Daal, Herms, Fingal, Wever,
Kock, Tromp, Dirksz, van der Biezen.

Ta invita demas famia, tur amigo, bisiña,
conocirnan, pa acto di Despedida cual lo
tuma lugar **diamars dia 27 di juni 2023** na Aurora
Funeral Home, di 9:00 am pa 11:00 am

Acto di Cremashon lo tuma lugar den Seno
Familiar.

Nos disculpa si den nos momento di tristesa nos
por a lubida un ser keri. Nos ta lamenta di no por
ricibi bishita di Condolencia na Cas.

Enbes di flor of krans lo tin un box di donacion pa
Cas di Machi



AWEMainta

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com